

東

嘉

錄

東嘉錄卷之十二

名臣

陳侍郎

陳桶字季壬溫州平陽人

見宋史本傳

政和二年廷對第三授文林郎冀州兵曹叅軍累遷尚書虞部員外郎宣和七年提點福建路刑獄福州調發防秋兵資糧不滿望殺帥臣變生倉卒吏民奔潰闔城震駭桶入亂兵中諭以禍福賊氣沮邀桶奏帥臣自斃桶詭從其請間道馳奏以前奏不實待罪朝廷以桶知變釋之叛兵既調行乃道追殺首惡二

十餘人一方以安本傳

紹興三年為金部郎中時言事者率毛舉細務畧大利害摘抗言今當專請治道之本脩政事以攘敵國不當以細故勤聖慮如平時也又言刺史縣令滿天下不能皆得人乞選監司重其權久其任除太常少卿又陳攻守二策在於得人心修軍政五年除直龍圖閣知泉州明年改兩浙西路提刑乞置三縣鄉老以厚風俗凡宮室車馬衣服器械定為差等重侈靡之禁八年遷福建路轉運副使復召為太常少卿適編類御書成詔藏敷文閣摘以為舊制自龍圖至微

猷皆設學士待制雜壓著令龍圖在朝諸大夫之上  
至徽猷在承議郎之上每閣相去稍遠識者疑其不  
倫直敷文閣者綴徽猷則與諸閣小異降之則班列  
太卑欲參酌取中並為一列不別相遠庶幾名位有  
倫仰稱陛下嚴奉祖宗議訓之意又言裕祭用大牢  
此祀典之常駐驛<sup>驛</sup>之初未能備禮止用一羊乞檢會  
紹興六年詔旨復用大牢

普安郡王出閣奉詔興吏部太常寺計論典故楠等  
議以國本未立宜厚其禮以繫天下望乃以皇子出  
閣禮例上之或以為太重詔以其不詳具典故專任

己意懷姦附麗與吏部尚書吳表臣禮部尚書蘇符  
郎官方雲翼丁仲寧太常屬王普蘇籍並罷

十五年知襄陽府充京西南路安撫使襄漢兵火之  
餘民物凋瘵桷請于朝以今之戶數視承平時總二  
十之一而賦湏尚多乞重行蠲減明年金房兵叛桷  
遣將平之而後以聞漢水決溢漂蕩廬舍躬率兵民  
捍築隄岸賴以無虞

桷寬洪醞藉以誠接物而恬於榮利當秦檜用事以  
永嘉為寓里士之寅緣攀附者無不躐登顯要桷以  
其矯之舊為人主所知出入頓挫晚由奉常少卿擢

權小宗伯復以議禮不阿忤意遽罷其節有足稱自  
號無相居士有文集十六卷並本傳  
陳桷守禮知變成足紀焉史論

### 薛起居

薛徽言字德老温州人

見宋史本傳

紹興二年遣使分行諸路徽言在選中以權監察御  
史宣諭湖南時彬道桂陽旱饑徽言請于朝不待報  
即諭漕臣發糴永米以賑而以經制銀市米償之所  
刺舉二十人使還地使皆進擢宰相君頤誥以徽言  
擅易守臣而移經制銀出知興國軍入為郎遷右司

擢起居舍人時秦檜與金人議和檜言與吏部侍郎  
晏敦復等七人同拜疏爭之一日檜於上前論和檜  
言直前引義綱爭反復數刻中寒疾而卒高宗念之  
賻絹百疋特與道表恩本傳

薛徽言其才猷奇可以經邦其風節皆可以勵世然  
皆論議不合奉祠去國可為永慨矣史論

### 張忠簡

張闡字大猷温州樂清人見宋史本傳

幼力學博涉經史善屬文將命名夢神人大書闡字  
曰以是名爾父異之力勉其為學未冠由舍選貢京

師登宣和六年進士第

調嚴州兵曹掾蕪治右獄時方臘作亂闡倡守禦計有義士請身督戰既戰稍却州將怒付闡治將殺之闡力爭曰是士以義請戰官軍却勢不得獨前非首奔者殺之何罪州將意解士得免李回帥江西席益帥河南皆辟置幕下群盜據洞庭官軍俱西北人不開水戰闡建議造戰艦以大艦為營小艦出戰乘水涸直擣賊巢賊勢以衰

紹興十年詔侍從各舉所知給事中林待聘以闡聞召對時金人議和歸闡中地闢首言閩中必爭之地

古號天府顧固守以蔽巴蜀圖中原次言監司郡守  
薦舉之弊又乞徹禁遏糴以濟江浙水患召試館職  
除秘書省正字遷校書郎兼具益王府教授時諸將  
恃功邀爵賞有過則姑息又兵布於外禁衛單寡聞  
上疏極論之後稍進退諸將必當其實且召諸道兵  
以益禁旅皆如聞言

秦檜每薦臺課必先諭以已意嘗謂闡曰秘書久次  
欲以臺中相處何如闡謝曰丞相見知得老死秘書  
幸矣檜默然竟罷主管台州崇道觀

孝宗在王邸帝妙選宮僚謂莊重老成無踰闡者改

命祠部蕙建王府贊讀

三十一年春大雨無麥苗荆浙盜起詔侍從臺諫條陳禦盜弭災之得聞上疏曰和議以來歲有聘幣民不堪命臣願陛下毋以金人因中國可乎歸正人時有遣還之命怨聲聞道路臣願陛下毋以金人得以甘心可乎州縣吏職卑地遠漁奪之禍被于編藉臣願陛下嚴賊吏之誅可乎蠲租之令已赦復征寬大之澤例為虛文臣願陛下申詔令之禁可乎是數者能次第行之則足以動天地召和氣災異盜賊不足慮也又言金主亮將入侵宜守要害防海道三邊不

可無良將督視不可無大帥疏奏帝嘉納面諭曰卿所言深中時病但遣人北歸已載約書朕不忍渝也孝宗即位闡權工部侍郎兼侍講入謝言諸將以敗為捷冒受爵秩州廂禁軍因覃霈鼓譟希厚賞不可不正其罪時悉為施行金主亮死葛王哀復求和再議遣使闡言宜嚴遣使之命正敵國之禮彼或不從則有戰耳如是則中國之威可以復振帝曰使者報聘故事也舊約不從朕志延矣是冬給札侍從臺課條具時務闡上十事皆剴切當時應詔數十人惟闡與國子司業王十朋指陳時事斥權倖無所回隱明

日召兩人對內殿帝大加稱賞賜酒及御書時進太  
上皇帝太上皇后冊寶工部例進官闡辭或曰公轉  
一階則澤可以及子孫奈何辭闡笑曰寶冊非吾功  
也吾能為子孫冒無功賞乎頃之除工部尚書兼侍  
讀

金副元師紀志右烈宣以書諭通好三事國書歲幣  
已定惟割唐鄧海泗未決將遣王之望龍大淵  
通問而衆言紛紛不已闡謂不與四州乃可通和議  
論先定乃可遣使令彼為客我為主我以仁義撫天  
下彼以殘酷虐吾民觀金勢已衰何必先示以弱朝

論黷之帝用真宗故事命經筵官二員通宿學士院以備顧問闡入對尤數屢引疾乞骸骨帝不忍其去二年聞請益力乃除顯謨直學士提舉太早與國宮陞辭帝問所欲言闡奏許和則忘祖宗之讎棄四州則失中原之心遣歸正人則傷忠義之氣惟陛下毋忘老臣平昔之言其指時事尤諄切帝眷益篤諭以秋涼復召加賜犀帶特許佩魚居家踰月卒

朱熹嘗言秦檜挾敵要君力主和議群言勃勃不平檜既摧折忠臣義士之氣遂使士大夫懷安成習至癸未和議則知其非者鮮矣朝論間有建率雜言利

害其言金人世讐不可和惟胡右史銓張尚書聞耳

並本傳

張聞論事無避皆一時之良為檜所忌而不撓者語曰歲寒然後知松栢之後凋信哉史論

公擢工部尚書兼侍讀初上用真宗故事命經筵宜二員通宿學士院朝夕宣召商確古今諮訪政事公入對尤數知無不言屢引疾丐開上曰朕所以知外事皆賴工部尚書相從何忍言去耶見周平園集

公莊重出於天性誠信濟以學力在王邸讀資治通鑑至脩身治國必反復誦說壽皇每嘉納見名臣言行錄

朱文公戊午諫議序曰靖康之禍二帝北狩臣子痛憤雖萬世必報其讎太上皇帝受命中興誓雪父兄之辱至紹興之初賢才並用綱紀復張諸將屢捷恢復之勢蓋已什八九成矣虜人於是始露和親之議以沮吾計而宰相秦檜歸自虜建力主其事當時人心尚正人倫尚明天下人無賢愚貴賤交口合辭以為不可獨士大夫之頑鈍嗜利無耻者數輩起而和之清議不容詬詈唾斥欲食其肉而寢處其皮則其於檜可知矣而檜乃獨以梓宮長樂籍口攘却衆謀熒惑主聽然後所謂和議者翕然以定而不可破自

是以來二十餘年國家忘仇敵之虜而懷宴安之樂  
檜亦因是藉外權以專寵利竊主柄以遂姦謀而向  
者冒犯清議希意迎合之人無不夤緣驟至通顯或  
乃踵檜用事而君臣父子之大倫天經地義所謂民  
彝者不復聞於搢紳之間矣士大夫徂於積衰之俗  
徒見當時國家無事而檜與其徒皆幸成功無後患  
顧以忘讎忍辱爲事理之當然主和議者慕爲檜遊  
談者慕其徒一雄倡之百雌和之癸未之議發言盈  
廷其曰虜世讎不可和者獨張公與胡公銓而已自  
餘蓋亦有謂不可和者而其所以爲說不出乎利害

之間又其餘則雖平時號賢士大夫慨然有六千里  
爲讎人役之歎者一旦進而立乎廟堂之上顧乃惘  
然如醉如幻而忘其疇昔之言厥或告之則曰此處  
士之大言耳烏乎檜之罪上通於天萬死而不足以  
贖者正以其始則倡邪謀以誤國中則挾虜勢以要  
君使人心不正人倫不明而末流之弊遺君後親至  
於如此之極也夫惟三綱不立是以衆志無所統係  
而上之人亦無所憑藉以爲安斯亦有識之士所爲  
長慮却顧而凜然以寒心者而說者猶曰姑以衆論  
之從違而卜事理之可否則今日士大夫是和者之

多蓋不下前日非和者之衆也獨安得以前日之不可而害今日之可哉嗚呼是未知前日人倫之明而今日之不明前日人心之正而今日之不正也且若以人之衆寡為勝負則夫所謂士大夫是和之多者又孰若六軍萬姓之為多耶今六軍萬姓之言則是二公之言而已蓋君臣父子之大倫天之經地之義而所謂民彝者其於世也有明晦其在人也無存亡是以雖當頽壞廢弛之餘邪議四起無復忌憚而亦不能斬伐銷鑠使之無也奈何不聽於此顧反夾得失於前日所謂頑鈍嗜利無耻者之餘謀此已墜之

三綱所以未能復振已隳之萬事所以未能復理而  
上之人終亦未能有所憑藉以成安強之勢也

言行錄

### 吳尚書

吳表臣字正仲永嘉人

見宋史本傳

登大觀三年進士第擢通州司理陳瓘謫居郡中一  
見而器之盛章者朱勔黨也嘗市婢有武臣強而取  
之章誣以罪繫獄表臣方勦之郡將曰知有盛待制  
乎表臣佯若不知者卒直其事

高宗詔臺諫條陳大利害表臣請措置上流以張形  
勢安輯淮甸以立藩蔽擇民兵以守險阻集海船以

備不虞其策多見用帝方向儒術表臣乞選講官以  
裨聖德且於古今成敗民物情偽邊防利害詳熟講  
究由是詔開經筵邇臣有請用蔡京王黼之黨者侍  
御史沈與求乞明指其人顯行黜責執政不悅奪其  
言職表臣爭曰臺諫為天子耳目所以防壅蔽杜姦  
邪若咎其切宜而黜之後誰敢言非國家福也請還  
與求以開言路時防秋議選守邊者急乏才表臣曰  
唐肅復言于德宗陳少游任兼將相首敗臣節常卑  
幕府下僚獨建忠義以臯代少游鎮淮南善惡著明  
則天下知逆順之理初不以臯名賤官卑為疑今取

忠義不屈有已試之驗者不次而用豈特可以勸扞  
禦方略亦堪倚杖於是陳敏等十數人寢以錄用  
紹興元年召為司勳郎中遷左司詔百官陳裕國強  
兵之策表臣條十事以獻曰蠲稅役以懇閑田汰惰  
卒以省兵費罷添差以澄冗負停度牒以蕃生齒拘  
佃租以防乾沒委計臣以制邦用獎有功以厲將帥  
招弓手以存舊籍嚴和買以絕弊倖簡法令以息瘡  
痍宰相擬表臣為檢正帝曰朕將自用之遂除左司  
諫給事中胡安國以論事不合罷表臣上疏留之前  
宰相朱勝非同都督江淮軍馬表臣力言都督不可

罷除待讀又累疏爭之不聽

召為秘書少監同修哲宗實錄帝如建康詔表臣兼  
留司叅議官除中書舍人給事中兵部侍郎建崇二  
國公就外傳蕙胡善帝曰二國公誦習甚進卿力也  
徙禮部侍郎遷吏部尚書兼翰林學士時秦檜欲使  
使金議地界指政事堂曰歸來可坐此表臣不啓又  
以議大禮忤意罷去

起知婺州會大水發常平米振貸之然後以聞郡人  
德之課最除敷文閣待制

自奉無異布衣時卿論推其清約

並本傳

表臣交於陳雍其師友淵源有自來矣故其議論  
直剛嚴鯁峭不惑異說不畏強禦史論

紹興中吳表臣於經筵講孟子海覲

玉

東嘉錄卷之十三

名臣

婁察院

婁寅亮字陟明永嘉人

見宋史本傳

政和二年進士為上虞丞建炎四年高宗至越寅亮上疏云先正有言太祖舍其子而立弟此天下之大公周王薨章聖取宗室育之宮中此天下之大慮也仁宗感悟其說詔英祖入繼大統文子文孫宜君宜王遭罹變故不斷如帶今有天下者獨陛下一人而已屬者椒寢未繁前星不耀孤立無助有識寒心天

其或者深戒陛下追念祖宗公心長慮之所及乎崇寧以來諛臣進說獨推濮王子孫以為近屬餘皆謂之同姓遂使昌陵之後寂寥無聞奔迸藍縷僅同民庶恐祀豐于昵仰違天監太祖在天莫肯顧歆是以二聖未有回鑒之期金人未有悔禍之意中原未有息肩之日臣愚不識忌諱欲乞陛下于子行中遴選太祖諸孫有賢德者視秩親王俾牧九州以待皇嗣之生退處藩服并選宣祖太宗之裔材武可稱之人升為南班以備環衛庶幾上慰在天之靈下係人心之望帝讀之感悟樞密富直柔薦之紹興元年召赴

行在以其言宗社大計也既入見復上疏曰陛下轍迹所環六年于外險阻艱難備嘗之矣然而二聖未還金人未滅四方未靖者何哉天意若曰天祚宋德太祖不私其子而保之不幸姦邪誤國而壞之將使嗣聖念祖思危而後獲之乃所以伸其永命也臣誠狂妄去歲上章請陛下取太祖諸孫之賢者視秩親王使牧九州誤蒙衆聽赦而不誅茲益在天之靈發悟聖心為社稷計非愚臣之所及也伏望宣告大臣行之他日皇子之生使之退處清暇不過增一節度使耳陛下以太祖之心行章聖之慮自然孝弟感通

兩宮回蹕澤流萬世改令入官擢監察御史時相秦  
檜以其直柔所薦惡之諷言者論寅亮匿父喪不舉  
下大理鞠問無實猶坐為族父冒占官戶罷職送吏  
部由是坐廢

並見本傳

上虞縣丞婁寅亮上書言宗社大計欲選太祖諸孫  
伯字行下有賢德者視秩親王使牧九州以待皇嗣  
之生退處藩服疏入上大歎悟直柔從而薦之召赴  
行在除監察御史於是孝宗立為普安郡王以寅亮

之言也

見宋史直柔傳

婁寅亮請立太祖後為太子能言人臣之所難言而

高宗亦慨然從之君仁而臣直乎宋汝為歸自金國  
論事切直與寅亮俱遷秦檜一則誣以罪譴一則逃  
遁以死於乎惴矣史論

徐忠文

徐誼字子宜一字宏父溫州人

見宋史本傳

孝宗臨御久事皆上決執政惟奉旨而行群下多恐  
懼顧望誼諫曰若是則人主日聖人臣日愚陛下誰  
與共功名乎及論樂制誼對以宮亂則荒其君驕商  
亂則陂其官壞上遽改容曰卿可謂不以官自惜矣  
知徽州陞辭屬光宗初受禪誼奏三代聖王有至誠

而無權術至誠不息則可以達天德矣至郡歙縣有妻殺夫繫獄以五歲女為証詎疑曰婦人能一掌致人死乎緩之未覆也會郡寃實稅于庭死者父母及弟在焉乃言我子欠租久繫饑而大叫役者批之墮水死矣然後寃者得釋吏皆坐罪合郡以為神

孝宗疾浸棘上以稽定省誼入諫退告宰相曰上慰納從容然目瞪不瞬意思恍惚真疾也宜禱祠郊廟進皇子嘉王參決丞相留正不克用孝宗崩上不能喪祭奠有祝有司不敢攝百官皆未成服誼與少保吳琚議請太皇太后臨朝扶嘉王代祭及將禪正憂

懼仆於殿庭而去誼以書譙趙汝愚曰自古人臣為忠則忠為姦則姦忠姦雜而能濟者未之有也公內雖心惕外則坐觀非雜之謂歟國家安危在此一舉汝愚問策安出誼曰此大事非憲聖太后不可而知閣門事韓侂胄憲聖之戚也同里蔡必勝與侂胄同在閣門可因必勝招之侂胄至汝愚以內禪議遣侂胄請于憲聖侂胄因內侍張宗尹閤禮達汝愚意憲聖許之寧宗即位誼遷檢正中書門下諸房公事兼權刑部侍郎進權工部侍郎知臨安府

侂胄恃功以賞薄浸觖望誼告汝愚曰異時必為國

患宜飽其欲而遠之不聽汝愚雅器誼除授建明多  
容訪誼隨事裨助不避形跡怨者始衆嘗勸汝愚早  
退汝愚亦自請名在屬籍不宜久司揆事願因阜陵  
訖事以去寧宗已許之侂冑出入禁中無度誼密啓  
汝愚無計防之乃直面諷侂冑疑將排已首謁  
誼束裝真誼還謁留之通殷勤誼不往吏部侍郎彭  
龜年論侂冑罪狀侂冑疑汝愚誼知其情益怨恨以  
御史劉德秀胡紘疏誼責惠州團練副使南安軍安  
置移袁州久之許自便初金攻廬楚不下留兵綴濠  
州以待和時時抄掠與宋師遇殺傷相當淮人大驚

復迸流江南在建康者以數十萬計誼晝夜拊循益  
嚴備禦請專捍敵勿從中御朝廷懼生事移知隆興  
府以卒誼嘗與紹興老將接於行陣之法分數竒正  
皆有指授自為圖式後謚忠文並本傳  
徐誼竄迹於小人之手身之否道之亨也史論

### 蔡知閣

蔡必勝字直之其先自莆徙為平陽人

見葉水心文集

孝宗立公以武學進士對策第一授江東將領故事

將官謁師皆小袖衫拜庭下至公獨袍笏肅揖帥因

請以賓禮見

水心文集

召試閤門舍人曾覲用事翼公見已故召衆舍人飲輒差會期同列屢趣公公不肯往既得對陳六事移晷詰難反覆公辯奏從容手筆付外多施行者知澧州毋畏不赴知邵州論擇方面人材及天下大計孝宗尤異之曰觀卿一表前程未可量也勉之命周丞相留公館伴公辭至郡言州起總領所錢歲八萬溪惡舟販詔易以銀在邵二年公私便之邵人乞更留一年勒碑紀政公皆禁止還知光州未至光宗召復為閤門舍人遷帶御器械未幾武德卒上數問蔡某何時服除召復為帶御器械時御帶負足公辭詔負

外供職光宗之在東宮聞公不見曾覲對宮僚嘆息  
言佳士難得退朝嘗目招公自邵州還也光宗方叅  
決見於議事堂謂公向在閣門然有人稱道今去幾  
何比來安否

孝宗崩光宗疾不能喪太皇太后命今上即位上却  
避再三公與同列韓侂冑扶抱登御榻涕淚被面庭  
中驚悚

出知池州建德縣解強盜十人囚稱寃公疑之官吏  
爭獄已具矣公閱其案有弓手坐他事同繫教囚始  
自誣服幸速見太守急呼至屏人曰若知真盜乎趣

禽有厚賞盜果得十人泣拜去人以為神

徙知楚州北神鎮少年以剽境外為業前後不能禁  
公日與錢米什伍伺察用其豪為總首旬一按試兩  
界以安有效用張喚聚眾越淮自稱元帥謀取扼園  
寨邊人克懼公外示不知者密設方計俘喚以歸斬  
于市然後以聞諸將嗟服自謂不及也

公既領方鎮經度久遠議於今新城斗梁月城中間  
合築相連創二水門增建康戍軍徙其家勿更戍浚  
肥河修巢湖西口閘以通漕且造戰艦於巢湖並湖  
民願為水軍者籍焉湖有孤姥山急難可保聚乾道

中為寨屋五百教倉七十今浸廢而兩淮民馬官可  
給直聽自養歲大閱以賞激之朝論相持久方行而  
公已歸死矣合肥椿積錢七萬待非常朝廷意帥以  
侵用徙置漕司公以自節郡費者別儲之更過其舊  
虜有楊椿數至光州獻攻守策實覘我守不悟輒上  
聞公奏拘縻內地從之

公為政求下疾苦審郡利病條畫修廢先後必倫未  
嘗立名字歛財而嘗以其餘與民歲時寒苦賙其尤  
貧不自業者親至學官課率諸生勸教有義士人興  
起在廬封馬亮包拯之墓因墓作祠趙立魏勝死戰

於楚新其塋廟以公田給祀徐誼子宜公之友也謫居南安公時守池將乞宮觀祿歸為徐公奉其母徐公驚嘆固止之四方名士擯于家者不以密跡存間無虛歲蓋公以忠孝發其剛毅慈良成其密察故凡所立必得其大者至其小者尚皆可紀而余不盡錄也

紹熙初光宗已不豫雖御朝猶冉冉未平外庭不知之多諫上宜過北宮省候如禮䟽積几上言或訐至上寬優不加怒然亦不能從也自是中外訛言相洶動無不譏切過宮者甚至群以相率攀上衣裾泣曰

壽皇死也陛下合上輦一出隨至福寧殿不退上亦泣曰此非卿等行處也急還內綉絨為裂有責宰相上有疾明矣父子相見宜俟疾瘳公不播告使臣下輕議君父可乎宰相悵然曰君殆未曉天上實有疾然諱言疾日御朝自如茲所以為疾也且人臣無自以疾名上身之理既而孝宗大漸上成服宮中中外訛言益甚或言某將輒奔赴或傳某軍私聚哭大抵皆反矣朝士潛遁者前後數人私竊以家去者甚眾近幸富民競匿重器村舍中都人朝夕不自聊或又責宰相上雖疾不臨喪無以辭於天下今嘉王長君

豫建叅決則疑謗釋矣宰相又悵然曰他日嘗降出一草茅書言儲副事吾袖進取旨上變色曰儲副不豫建建即代也朕欲卿知其妄耳然試合辭以請上再報曰甚好朕欲退閑久矣屢乞奏事不獲命憂懼無所出公自爭過宮至孝宗崩晝不食夜不寐私念曰夫梓宮無主而上疾不瘳請儲不獲計且窮倘白太皇太后遂立元子代執喪養上疾其可獨與知樞密院趙公汝愚往返定議時韓侂胄同在閣門公素善侂胄曰公於太皇甥也吾欲以公至趙公所侂胄知指許諾公遂挾侂胄見趙公叅諾因知省閤禮

白太皇太后趙公又約工部尚書趙彥逾戒郭杲飭宿衛起居舍人彭龜年告嘉邸備進發皆定矣五年七月甲寅禪祭時臺諫官有待罪城外者孝宗崩不敢復入而學官須祭畢將歸曰里太皇太后遂引宰執至簾下詔曰皇帝疾至今未能執喪自欲退閑此御筆也嘉王可即皇帝位於重華宮躬行喪禮百官泣拜起而今上已立天下晏然後寧者公本致侂冑於趙公定策遂立元子公之力也

侂冑恃功專盜立黨論為傾者方因之而知閣劉敬又內忌公即脅說侂冑曰蔡直之素厚諸名士今內

參密畫外扶正論非君福也侂冑由是疎公出為池  
州公嘆曰吾受太上深知不幸太上有疾命懸漏刻  
而吾判家族出此所以報也事屬安定何妄分彼我  
乎禍今作矣亟去絕口秘前事侂冑果為飛語中趙  
公貶死衡陽士不附者盡以趙公黨坐之自為大師  
郡王擅國命絕席卿相而公連刺外州默默以卒悲  
夫公不矜功不徇利似矣然而以立君為難者雖通  
乎百世猶將難之也故余不敢闕以待信史焉

張

心並文

東嘉錄卷之十四

名臣

周侍郎

周端朝字子靖行己族孫

見郎志

孝宗崩光宗以疾不能執喪時趙汝愚知樞密院奏請太皇太后迎立寧宗于嘉邸以代喪禮朝野晏然遂命汝愚為右丞相登進耆德及一時知名之士有意慶曆元祐之治韓侂冑竊弄國柄引將作監李沐為右正言首論罷汝愚中丞何澹御史胡紘章繼上竄汝愚永州國子祭酒李祥博士楊簡連疏抃爭俱

被斥宏中曰師儒能辯大臣之寃而諸生不能留師  
儒之去於誼安乎衆莫應獨林仲麟徐範張衡蔣傳  
周端朝五人願預其議遂上書曰自古國家禍亂之  
由初非一道惟小人中傷君子其禍尤慘君子登庸  
社絕邪枉要其處心實在於愛君憂國小人得志仇  
視正人必欲空其朋類然後可以肆行而無忌於是  
人至孤立而社稷危矣黨錮敝漢朋黨亂唐大率由  
此元祐以來邪正交攻卒成靖康之變臣子所不忍  
言而陛下所不忍聞也臣切見近者諫臣李沐論前  
宰相趙汝愚數談夢兆擅權植黨將不利於陛下以

此如誣實不其然汝愚乞去中外容憤而言者以為父老懽呼蒙蔽天聽一至於此章穎力辨其非有遭斥逐聞者已駭既而祭酒李祥博士楊簡相繼抗論毅然求去告假幾月善類皇皇一旦有外補之命言者惡其扶植正論極力觝排同日報罷六館之士為之憤惋涕泣今李洙自知邪正之不兩立而公誼之不直已乃欲盡去正人以便其私於是托朋黨以用陛下之聽臣謂二人之去若未足惜殆恐君子小人潰長之機於此一判則靖康已然之監豈堪復見於今日邪陛下厲精圖政方將正三綱以維人心來群

議以定國是遽聽奸回槩疑善類此臣等之所未諭也臣願陛下鑒漢唐之禍懲靖康之變精加宸慮特奮睿斷念汝愚之忠勤察祥簡之非黨灼李沐之回邪明示好惡旌別淑慝竄李沐以謝天下回祥簡以收士心臣雖身膏鼎鑊實所不辭書奏不報則繳副封午臺諫侍從侂冑大怒坐以不合上書之罪六人皆編置以宏中為首將竄之嶺南中書舍人鄧駟上書教之不聽右丞相余端禮拜於榻前至數十丐免遠徙上惻然許之乃送太平州編管天下號為六君子端朝字于靖嘉定三年試禮部第一終刑部侍郎

兼侍講

見宋史楊宏中傳

入對言人主之學與士大夫之學不同士大夫一心之有亡繫於一身之是非人主一念之操舍驟閱天下之休戚復言近歲經筵例成兼職今抱道篤學之士列在庶官守道不苟之賢栖置散地乞廣加收召以備其選於是蔣重珍徐清叟葉味道相繼進用端平初時相怵於浮議遽興三京之師端朝力言其不可既而師徒撓敗李如所料規郡

周端朝冠婚喪祭禮二卷集司馬氏程氏呂氏禮親

史藝文志

瑞朝桂陽志五卷

藝文志

林樞密

林畧字孔英温州永嘉人

本見宋史傳

慶元五年舉進士歷饒州太寧監教授辟幹辦四川茶馬司公事崔與之帥蜀目之曰此臺閣之瑞也遷武學博士國子監丞太常寺丞奉祠拜宗正少卿兼崇政殿說書遷右司諫兼侍講告于帝曰虛心以為從諫之本從諫以為求治之本拜殿中侍御史升侍御史試諫議大夫嘉熙三年以端明殿學士同簽書樞密院事以言罷提舉洞霄宮以資政殿學士致仕

淳祐三年八月卒贈宣奉大夫 本傳  
林畧所謂虛心從諫者有益於人主矣 史論

### 劉叅政

劉黻字聲伯樂清人 見宋史本傳

丁  
早有令聞讀書鴈蕩山中僧寺年三十四以淳祐十年試入太學儕輩已翕然稱之時下大<sup>レ</sup>全方為臺屬劾奏丞相董槐迫逐去國將奪其位黻率同舍生伏闕上書大槩言朝廷進退大臣須當以禮書上忤執政送南安軍安置歸別其母解氏解氏曰為臣死忠以直被貶分也速行黻至南安盡取瀛洛諸子之書

摘其精切之語輯成書十卷名曰濂洛論語

還太學未幾侍御史陳垓誣劾程公許右正言蔡榮  
誣劾黃之純二公罷出六館相顧失色黻又率諸生  
上書言黻等蒙被教養視國家休戚利害若已痛癢  
朝廷進一君子臺諫發一公論則彈冠相慶喜溢肺  
膚至君子鬱而不獲用公論沮而不克伸則憂憤忡  
結寢食俱廢臣聞扶植宗社在君子扶植君子在公  
論陛下在位幾三十年端平間公正萃朝忠讜接武  
天下翕然曰此小元祐也淳祐初大姦屏迹善類在  
位天下又翕然曰此又一端平也奈何年來培養佛

護之初心不能不為之轉移祖宗建置臺諫本以伸君子而折小人昌公論而杜私說乃今老饕自肆姦相仍以諂諛承風旨以傾險設機阱以泐忍盜宮爵陛下非不識拔群賢彼則忍於空君子之黨陛下不容受直言彼則勇於倒公議之戈不知陛下何負此輩而彼乃負陛下至此耶當陛下詔起彙髦之而公許起自家食正君子覘之以為進退之機乃今坐席未溫彈章已上一公許去若未害也臣恐草野諸賢見機深遁而君子之脉自此絕矣比年朋邪扇焰緘默成風奏事者不過襲陳言應故事而已幸

之純兩疏差彊人意乃今軟媚者全身鯁直者去國一之純去若未害也臣恐道路以目欲言輒沮而公論之脉自此絕矣况今天下可言之事不為少可攻之惡不為不多術窮桑孔沒有逼上之嫌勢挾金張濫竽牧民之職以乳臭騃子而躡登從橐以光範私人而累典輔藩錢神通靈於旁蹊公器反類於互市天下皆知之豈陛下獨不知之正惟為陛下紀綱者知為身謀不為陛下謀陛下燭事幾詎可墜此輩蒙蔽術中何忍以祖宗三百年風憲之司而壞於一二小人之手耶臣汝騰陛下之劉向也則以忠鯁斥

臣子才臣棟臣伯玉陛下之汲黯也則以切直罷逐使淳祐諸君子日消月磨至今幾為之一空彼誠何心哉高宗紹興二十年之詔有謂臺諫風憲之地年來用人非據與大臣為友黨濟其喜怒甚非耳目之寄臣竊觀近事不獨臺諫為大臣友黨內簡相傳風旨相諭且甘為鷹犬而聽其指嗾焉宰相所不樂者外若示以優容而陰實頤指臺諫以去之臺諫所彈擊者外若不相為謀而陰實奉承宰相以行之方公許之召也天下皆知獨斷於宸衷及公許之來也天下亦知嘗得罪於時宰豈料陛下之恩終不足恃宰

相之頃竟不可逃耶陛下萬機之暇試以公許之純  
與垓榮等熟思而靜評之其言論孰正孰邪孰忠孰  
佞雖中智以下之主猶知判別是非況以陛下明聖  
顧不察此近見公許奏疏嘗告陛下揭至公以示天  
下垓則以秘密之說惑上聽公許嘗告陛下以寵賂  
日章官邪無警欲塞倖門絕曲徑垓則縱俠客以兜  
攬關節持閣扁以脅取舉狀開賂門以欺弄按章至  
若之純之告陛下力伸邪正之辨明斥媚相之非塞  
謬謬流出肺腑榮身居言責聞其風聲自當愧死  
尚敢妄肆婁菲略無人心乎且陛下擢用臺諫若臣

磊卿臣咨愛臣應起臣漢弼臣凱臣燧光明俊偉卓  
為天下稱首然甫入而遽遷一鳴而輒斥獨垓榮輩  
貪饕頑忍久汙要津根據而不拔劉向所謂用賢轉  
石去佞拔山者乃今見之可不畏哉矧今國嗣未正  
事會方殷民生膏血朘削殆盡所賴以祈天命係人  
心惟君子與公論一脉耳小人以不恤之心為無忌  
憚之事其意不過欲爵位日穹權勢日盛以富貴遺  
子孫耳豈暇為國家計哉自昔天下之患莫大於舉  
朝無公論空國無君子我朝本無大失德於天下而  
乃有宣靖之禍夫豈無其故哉始則邪正交攻更出

迭入中則朋黨翼偽陰陷潛詆終則倒置是非變亂  
黑白不至於黨禍不止向使劉安世陳瓘諸賢尚無  
恙楊畏張商英周秩輩不久據臺綱其禍豈至此烈  
古語云前車覆後車戒今朝廷善類無幾心懷姦險  
者則以文藻飾佞舌志在依違者則以首鼠持圓機  
宗社大計孰肯明目張膽為陛下伸一喙者則其勢  
必終於空國無君子舉朝無公論脫有緩急彼一二  
憊人者陛下獨可倚仗之乎若堦之罪又浮於榮雖  
兩觀之誅四裔之投猶為輕典陛下留之一日則長  
一日之禍異時雖借尚方劍以礪其首尚何救於國

事之萬一哉又曰自昔大姦巨孽投閑散地惟覘朝廷意向以圖進用之機元祐間章惇呂惠卿皆在貶所自呂大防用楊畏為御史初意不過信用私人牢護局面不知小人得志搖唇鼓吻一時正人旋被斥逐繼而章惇復柄用雖大防亦不能安其身於朝廷之上令右轄又虛姦人垂涎有日矣聞之道路餽遺不止於鞭撻脉絡潛通於禁近正陛下明察事機之時若公論不明正人引去則遲回展轉鈞衡重寄必歸於章惇等乃止今日之天下乃祖宗艱難積累之天下豈虛此輩再壞耶又諫遊幸疏曰天下有道人

主以憂勤而忘逸樂天下無道人主以逸樂而忘憂  
勤自昔國家乂安四夷賓服享國日久侈心漸生若  
漢武帝之單于震懼而有千門萬戶之觀唐明皇之  
北邊無事而有驪山溫泉之幸至於隋之煬帝陳之  
後主危亡日迫遊觀無度不足効也堯舜禹湯文武  
兢業祇懼終始憂勤無逸言遊畋則不敢日昃則不  
暇食曷嘗借祈禳之說以事遊觀之逸比年以來以  
幸為利以玩為常未免有輕視世故眇忽天下之心  
單于未嘗震懼而有武帝多欲之費耗北邊未嘗無  
明皇宴安之鳩毒陛下春秋尚少貽謀垂憲

之機悉在陛下作而不法後嗣何觀自十數年間創  
龍翔創集慶創西大而又示之以遊幸導之以禱  
祠蠱之以虛誕不經之說孔子曰少成若天性習慣  
如自然積久慣熟牢不可破誰得而正之且西太一  
之役倭者進曰太一所臨分野則為福近歲自吳移  
蜀信如祈禳之說西北坤維按堵可也今五六十州  
安全者不能十數敗降者相繼福何在耶武帝祠太  
一於長安至晚年以虛耗受禍而後悔方士之繆雖  
其悔之弗早猶愈於終不知悔者也夫九人主不能  
無過脫有過言過行宰執侍從當言之給舍臺諫當

言之措紳士大夫當言之皆所以納君於當道者也  
今陛下未為不知道未為不受人言宰執以下希寵  
而不言與夫言之而不力皆非所以愛陛下也其心  
豈以此為當而不必言哉直以陛下為不足以望堯  
舜禹湯文武之主而以漢武明皇待陛下也

咸淳三年拜監察御史論內降恩澤曰治天下之要  
莫先於謹命令謹命令之要莫先於室內批命令帝  
王之樞機必經中書叅試門下封駁然後付尚書省  
施行凡不由三省施行者名曰斜封墨敕不足効也  
臣觀陛下自郊祀慶成以來恩數綢繆指揮煩數今

日內批明日內批卽報之間以內批行者居其半竊  
為陛下惜之出納朕命載於書出納王命詠於詩不  
專言出而必言納者蓋以命令繫朝廷之大不能皆  
中乎理於是出而復有納焉祖宗時禁中處分軍  
國事付外者謂之內批如取太原下江南韓琦袖以  
進皇英宗悚然避坐此豈非謹內批之原哉臣日夜  
念此以為官爵陛下之宜爵三省陛下之三省所謂  
同奉聖旨則是三省之出命卽出陛下之命也豈必  
內批而後為恩緣情起事以義制欲某事當行某事  
當息具有條賈何不自三省行之其有未穆於公論

者許令執奏顧不韙歟

四年改正字言正學不明則義理日微異端不息則  
鼓惑轉熾臣非不知犯顏逆耳臣子所難實以君德  
世道重有關係不容不惻惻開陳疏上逾日未蒙付  
外孟軻有云有言責者不得其言則去臣忝職諫省  
義當盡言今既不得其言若更貪戀恩榮不思引去  
不惟有負朝廷設官之意其於孟軻明訓實亦有慊  
知慶元府事建濟民莊以濟士民之急資貢士卷官  
之費備郡庠耆老緩急之需又請建慈湖書院八年  
沿遷拜刑部侍郎九年改朝奉郎試吏部尚書兼工

部尚書兼中書舍人兼修玉牒兼侍讀上疏請給王  
十朋祠堂田上

宜中謀擁二王由温州入海以兵逆黻改將遜相  
位於是黻托宗祀於母弟成伯遂起及羅以疾卒  
並本傳

劉黻分別邪正侃侃敢言 史論

東嘉錄卷之十五

名臣

曹文恭

曹豳叔遠族子字西士

見宋史本傳

少從錢丈子學登嘉泰二年進士第授安吉州教授  
調重慶府司法叅軍郡守度正欲薦之豳辭曰章司  
錄母老請先之正敬嘆改知建昌縣復故尚書李常  
山房建齋舍以處諸生擢秘書丞兼倉部郎官出為  
浙西提舉常平面陳和糴折納之弊建虎丘書院以  
祀尹焞移浙東提點刑獄寒食放囚歸祀其先因感

泣如期至召為左司諫與王萬郭磊卿徐清叟俱負  
直聲當時號嘉熙四諫上䟽言立太子厚倫紀以弭  
火災又論余天錫李鳴復之過迂旨遷起居郎進禮  
部侍郎不拜䟽七上進古詩以寓規正久之起知福  
州再以待郎召為臺臣所沮而止遂守寶章閣待制  
致仕卒謚文恭

本傳

### 周蒼巖

周元龜字錫疇溫平陽人

見林霽山文集

讀書迎解落筆輒驚人少有老度窮有通識以六典  
貢漕闈升賢關擢嘉熙進士第

開慶己未提轄左帑時大學六士扣閣當揆怒其攻  
己將擢公言路諷以意公正色曰臺諫天子之耳目  
不可市私恩直士國家之元氣不可以報私忿祖宗  
三百年學校公論所自出柰何摧折之乎語已東裝  
明日臺䟽下矣景定謂咸謂公相國故人要津立致  
公尺書不扣光範一廢六霜癸亥除主管官誥院委  
買江東限田公曰熙寧間海內無事王安石以新法  
騷動釀成中天不忍言之變普天之下莫非王土未  
聞瘠子以肥父而家可為也聞者震耳說者交吻明  
日又臺䟽下矣

父戒軒先生交慈湖楊公簡鶴山魏公了翁其學根  
義理達事物公所樹立父教也自號蒼巖有蒼巖雜  
著八十卷又有訓鑑大菟文苑心嗜師友四騷觀史  
大議管見類要詞科類臺奇字法語各若干卷並集  
山文

### 章恭毅

章綸字大經温州樂清人

科見登錄

公資稟殊常甫成童即刻勵好學既冠郡守何公文  
淵選補郡庠生登正統己未進士授南京禮部主事  
景泰初陞禮部儀制郎中適國家多故公知無不言

言無不盡首請增會試取士額次言太平十六事累數千言俱准議行車駕欲幸大隆福寺公言以萬乘之尊臨異端之地傳之後世誠非美事

見名臣言行通錄

五年五月陳言修德弭災事一曰畏天戒二曰任燹理三曰養聖躬四曰節幸御五曰務儉約六曰勤論政七曰惇孝義八曰慎賞賚九曰重名爵十曰革巡撫十一曰擇重臣十二曰辨異端十三曰却貢獻十四曰汰冗官其畏天戒大意謂內臣不可干外政倖臣不可假威福後宮不宜盛聲色凡為陰盛之類請悉革罷其惇孝義畧曰臣聞伊尹告太甲有曰立愛

惟親立敬惟長始于家邦終於四海孟軻氏有曰堯  
舜之道孝弟而已矣識以孝弟者百行之本萬善之  
長天子之所以德教加於百姓刑於四海者不越乎  
一孝弟而已 本朝以孝治天下而友弟之義皆孝  
所惟恭惟 上聖皇太后 皇太后兩宮為天子母  
尊之至也皇上以天下養養之至也故孝子之至莫  
大乎尊親尊親之至莫大乎以天下養以天下養之  
在乎躬親養之躬親養之庶幾謂之至也伏望 皇  
上於退朝之暇必朝兩宮尊奉 上聖皇太后皇太  
后而修問安親膳之禮是即古帝王之孝也臣又恭

惟太上皇帝君臨天下十四年是為天下之父也  
與皇上同氣異胞是為至親之兄也皇上向曾親受  
上皇之冊封是為上皇之臣子也上皇親征戎虜  
被留虜庭嘗有詔旨傳位於陛下是以天下授陛下  
也陛下尊之為太上皇帝是為天下之至尊也幸而  
奉迎還宮是皇上之至願亦天下之至望也上皇  
為陛下同氣之親兄陛下為上皇同氣之親弟形  
雖為二其實一人況上皇天性謙冲意無彼此伏  
望皇上於朔望日或節日一幸南宮率羣臣朝見  
上皇於延安門以叙連枝同氣之情以極尊隆崇奉

之道是即古帝王友弟之義也至於儲位亦不可久  
虛伏望 皇上推同氣猶子之義詔 沂王復居儲  
位以為天下之本如此則五倫備而和氣充溢於宮  
庭萬姓愛戴而歡聲洋溢於四海殆見天心自回災  
異自弭而胡虜不足平矣

見進  
思錄

景泰五年春上天示戒積雪連陰朝廷下詔求言御  
史鍾同手成諫章大畧以朝見兩宮復還儲位為重  
初以稿示都察院副都御史劉廣衡見其語意觸諱  
謂之曰逆犯龍鱗者必死同乃易稿意在諸司臣寮  
各言致災之由而復儲一事實欲禮部啟之既奏有

旨命廷臣集議無敢言者時綸正欲建言遂發復儲  
事於是年五月九日己未晡時封章進當宁見則大  
怒讀畢日已昏門已扃乃傳旨自闕出命錦衣衛即  
時逮捕入獄翌日榜掠訊無跡又翌日加榜無全膚  
不得已辭連同即逮繫入獄對既實乃加刑覆訊必  
欲招通南內不服用炮烙刑又不服乃窮慘酷欲致  
之死地天乃大風降黃沙人大恐乃禁錮欲終其身  
自是日甲子至雨于八月既得生乃酌酒相慶或賦  
詩遣興或奕棋消閒日則對坐夜則對卧相與談論  
無復憂悶

見鍾同  
墓誌銘

大理寺少卿廖公莊見同與綸下獄乃繼言復儲事  
當宁怒其言切直待其以下憂陞見即於朝臺大杖  
之八十幾死貶為陝西河洲衛定羌城驛丞遂因而  
有旨命錦衣衛封六大杖擇六壯卒即獄中大杖同  
與綸一百必就死每五杖易手同肌體尤瘡故杖至  
三十已斃不動杖畢頃之乃甦衆以手輿入獄又禁  
不與酒既而綸漸平復幸不死鍾同墓誌銘並  
章恭毅文集  
天順元年丁丑正月奉 旨釋放還職出獄之際京  
城男女娶觀填道擁不可行有嘆息泣下者見  
方脫杻鐐手足拘攣不能動復項上鐵索繫縛三年

身同卧起白亮如銀尋陞禮部右侍郎山東水守臣  
請蠲租未允公為請得減其半宗室有被火盜乞賑  
卹同列執以例公特請得賜金五百兩時尚書興濟  
伯楊善侍郎鄒幹意皆不協南京禮部侍郎缺即以  
公對上初難之頃之改南京禮部又改吏部轉左  
侍郎凡六考成化丙申守制乞致仕許之卒贈尚書  
謚恭毅

年譜

公以天下為己任凡朝政得失生民利害知之未嘗  
不言言之未嘗不盡方其未論復儲也嘗陳太平致  
治十六策以致籌邊固通楮鈔冀寬恤增解額亦屢

言之蓋已亡慮千數萬言其始脫詔獄而為禮部也  
山東以水災告戶部泥不行則特奏得減租十之五  
王府以火災告同列執以例則特請得賜金五百兩  
蓋其既蹈且奮而抗言讜論不少挫衄有如此者

公方石撰  
墓誌銘

公性質直坦易與人無貴賤疏戚一笑之間洞見肺  
腑至其臨大事決大議則凜不可奪自號慙夫或勸  
公少貶以徇曰在我者有義與命在彼者吾不知也  
故悅公者寡不悅者衆然至論立朝大節則未嘗不  
以公為首稱

我國家承平之治至宣德正統而極極熾即豐小大  
之臣方仰承 德意以將順頌美於不暇所請憂治  
世而危明主者已絕無而僅有益於是得二人為曰  
翰林學士李公時勉曰翰林侍講劉公球至於景泰  
之季而公實繼之公以二聖之恩克保晚節已上媿  
學士公於無愧故雖不必若鍾以必致乎侍講公之  
死然究其所至固非所嘗試而幸哉者則其於廖已  
益有光矣於乎公固一代之偉人也哉 並墓誌  
方其職在一司位不過五品開口攘臂論國家大計  
雖身用言屈一時天下皆知有所謂名義所謂風節

以至於英祖之光復

憲皇之顯紹神功聖德鏗

黜炳耀於

天地間而公之身及際其盛復雖遠屬南

國亦隱然為天下重微公輩二三人則名義風節皆

未可知而天下之事去矣是豈非天之有意於國

家億萬載靈長之祚而然哉

見西涯李公年譜序

公既以節義為天下望未嘗少貶以從時權奸憚之

故為左右侍郎十有八年皆處南國顯擠潛沮弗復

改擢公益厲以裕終不自悔議者以公有汲長孺之

剛直魯宗道之骨鯁

見王編修所撰公廟碑

正統之末

社稷非

景帝未知如何一時安攘之

功卓矣所不遘者易儲一事爾使當時廷臣有能直  
諫以身殉之則儲未必易後有繼公連章僉諍必從  
乃已則儲可必復正月十七日之變亦何自而萌柰  
何獨公憤發一言遂罹楚毒豈意復躋顯位以功名  
考終而榮及後人忠義之報何如哉蓋公孝友朴淳  
剛方坦易遇事敢言厥後 景帝拒絕說問全護

兩宮其亦終有悟於公之言也夫

名臣言行通錄

尹直贊曰侃侃蔡毅抗志獨立忠讜是陳孰謂鮮逆  
綱常是扶我躬違恤 天日重明嘉乃丕績今之名

臣古之遺直

言行通錄

韓運使

韓運使安人見府志

趙景中太學生擢監察御史巡歷有聲陞河東鹽運

使以清直見稱見志

運使韓韓溫州人魁梧端重為御史有聲獲妖盜有

功嗣以男補數日出巡河南鎮靜有體一方仰賴閭

省上下咸謂前出巡者十數輩或過於刻或猛而嚴

或貪而懦或矜而眩或佻而輕或奸而譎或愚而暗

未有如偉者自後繼者十數輩亦莫能及見天順錄

遷河東運使清操甚著新建明創立學宮得師儒所

原缺

登崇寧二年進士第累官為太學正出為江東轉  
運使江甯軍校周德作亂良顯討變率眾與戰斬十  
餘級力不能勝死之事聞贈賚良渥忠義傳

### 潘進士

潘方温州平陽人

見宋史忠義傳

寶祐四年進士調監慶元府市舶慶元陷附方不屈  
赴水死忠義傳

### 侯節毅

侯畱字道子温州樂清人

見宋史忠義傳

三貢於鄉兩試轉運司皆第一以武舉授合浦尉柳

城令衛步軍司幹辦公事待衛馬軍行司計議官寶祐五年制置使賈似道辟通判海州兼河南府計議官李松壽據山泉突出連泗水鑿城下死之閹室遇害太學年二十一人言於朝即海州賜廟旌忠謚曰節毅仍立廟其鄉邑所著有霜厓集忠義傳

### 徐正將

徐臻溫州人見宋史忠義傳

父官河南德祐元年臻往省以道阻會大祥勳王臻往依之以筆札典樞密小心精練天祥被執臻脫難復來願從天祥北行扶持患難備殫忠款至隆興病

死忠義傳

正將徐臻第一百三十四詩闕

見文山集

桂鎮撫

桂完澤永嘉人

見元史忠義傳

嘗從江西左丞李朵兒留京師得為平江路管軍鎮撫為仇家所訴免官會賊攻昱嶺開行省遂假前官令從征完澤勇於討賊凡再戰關下皆勝尋又與賊聞為所執其妻弟金德亦被擒皆反縛於樹臨以白刃脅之降金德意未決完澤呼曰金舅男子漢即死不可聽賊德曰此言最是因大罵賊怒剖二人之腹

而死

並忠義傳

彭忠愍

彭庭堅字允誠温州瑞安人

見元史忠義傳

擢至正四年進士第授承事郎同知沂州爭毀牛皇神祠驅鄰郡上馬賊免民橫急徵歛民甚便之俄以平反獄囚忤上官意遂棄去十年詔選守令以建甯路崇安尹起庭堅于家屬鉛山寇周良竊發犯閭閻庭堅禦之有法寇不入境十一年陞同知建甯府路總管府事江西寇熾庭堅率民兵克復進陽又進兵平浦城

原缺

大撫軍院命庸團結房山遷同僉將作院事又除刑部尚書仍領團結會諸寨既降庸守駱駝谷遣從事段禎請援於擴廓帖木兒不報庸獨堅守拒戰衆將潰庸無去志已而寨民李世傑執庸出降以見主將庸不屈與禎同被殺

忠義傳

### 周樞密

周誠德字守仁參政嗣德之異母弟平陽人

見蘇平仲文集

嗣德分鎮平陽總制瑞安幙府之中非無才智與之共事又有僚佐布列左右求其臨機決謀之際以其可否為違從行師制敵之問以其前却為安危求之

他人固不能矣是以數十年間軍旅之事公獨身任  
焉公之為人也明敏而果毅沈雄而莊重大敵臨之  
而不懾小寇嘗之而亦慎失利而氣不變得勝而色  
不喜其紀律嚴其號令明其賞罰必其威惠治其於  
士卒戰陣則先之次舍則後之甘苦則同之卓乎有  
古名將之風

大小戰無慮數百剗徑口小龍南山掇四隅三魁焉  
興蕩三港四溪薙百丈莒岡諸砦縛金安三吳邦大  
磔李師金翁瑞降張仲卿吳叔甯殲金龍十禽程景  
安斬葛兆俘吳悌五諸酋而分北其徒黨復松山崇

原缺

東嘉錄卷之十七

忠臣

林霽山

林景熙字德陽溫之平陽人

見章祖程題霽山文集

宋咸淳辛未太學釋褐授泉州教官歷禮部架閣時  
異事殊遂不復仕會稽王監簿移書屈致與尋歲晏  
之盟於是往來吳越間殆二十餘年程祖題  
元兵破宋河西僧楊勝吉祥行軍有功因得於杭置  
江淮諸路釋教都總統所以管轄諸路僧人時號楊  
總統盡發越上宋諸帝山陵取其骨渡浙江築塔於

函

敬寒

坏

鳴

宋內朝舊址其餘骸骨棄草莽中人莫敢收適先生  
與同舍生鄭樸翁等數人在越土痛憤乃不能已遂  
相率為采藥者至陵上以草囊拾而收之又聞理宗  
顛骨為北軍投湖水中以錢購漁者求之幸一網而  
得乃盛二函記言拂經葬于越山且種冬青樹識之  
不敢明言其事以夢中作為題其詩曰勝亡忽震蛟  
龍懸軒轅字志天馬情親拾寒瓊出幽草四山風雨  
鬼神驚一軒自築珠丘土雙龍猶傳空國經獨有春  
風知此意年年杜宇泣冬青昭陵玉匣走天涯金粟  
堆前幾吹鴉水到蘭亭轉嗚咽不知真帖落誰家珠

鳬玉鳩又成埃斑竹臨江首重田猶意年時寒食祭  
 天家一騎捧香來冬青花花時一日腸九祈隔江風  
 雨青影空五月深山護凝雪石根雲氣龍所藏尋常  
 蝼蟻不敢冗移來此種非人間曾識萬年觴底月蜀  
 魄飛遠百鳥臣夜半一聲山竹裂見白石  
 樵唱註

遂昌鄭明德先生元祐所書林義士事蹟云宋太學  
 生林德陽字景曦號霽山當楊總統發掘諸陵寢時  
 林故為杭丐者背竹籬手持竹夾遇物即以夾投籬  
 中林鑄銀作兩許小牌百十繫腰間取賄西番僧曰  
 餘不敢望收其骨得高家孝家斯是矣番僧左右之

果得高孝兩朝骨為兩函貯之歸葬於東嘉其詩有  
 夢中作十首其一曰一杯末築珠宮土雙匣親傳竺  
 國經只有東風知此意年年杜宇哭冬青又曰空山  
 急雨洗岩花金粟堆寒起莫雅水到蘭亭更鳴哽不  
 知真帖落誰家又曰喬山弓劍未成灰玉匣珠襦一  
 夜開猶記去年寒食日天家一騎捧香來餘七首尤  
 淒怨則忘之葬後林於宋常朝殿掘冬青一株置於  
 所函土堆上又有冬青花一首曰冬青花冬青花  
 時一日腸九折隔江風雨清影空五月深山落微雪  
 石根雲氣龍所藏尋常蝼蟻不敢穴移來此種非人

卷

間曾識萬年觴底月蜀魄飛繞百鳥臣夜半一聲山  
竹裂又一首有曰君不記羊之年馬之月劈歷一聲  
山石裂聞其事甚異不欲書若林霽山者其亦可謂  
義士也已

見南林  
輟耕錄

霽山林德陽前進士也壯年英華果銳之氣無所於  
托琉璃玉佩大放厥辭

見方蛟  
峯文集

德陽自鴈蕩遊會稽而錢塘潮汐之吞吐吳山烟霏  
之舒卷瞻望兮咫尺縹緲兮余懷所以觸其情發其  
感者朝朝暮暮無日無之故其悽惋夷以遠閤以章  
率有古意

蛟峯  
文集

東

文曰白石臺亭詩曰白石樵唱皆行于世見温州府志

鄭學正

鄭樸翁字宗仁家溫之平陽見林霽文集

未弱冠東書遊京類名暴如雷癸亥以類申補太學

戊辰升內舍壬申癸酉公闈連魁中甲戌省闈又中

賜上舍釋褐授迪功郎福州教授尋除國子正轉從

政郎棄官耕隱鄉山瀑下越故人羣禮招之往來轍

迹餘二十霜齊山文集

元僧楊勝吉祥發越上宋諸陵聚骨於錢塘寶勝寺

塔下以厭之其餘遺骸暴露人莫敢顧樸翁遂與

人林景熙等謀問行拾之盛以二函瘞越山中志郡  
余與鄭公生同里學同師繇長至老同出處與其  
同然而是非眇忽之際更相箴正以至同爭極辯不  
苟焉為同也

公學聖賢之學名其齋曰初心沉毅直方自許致澤  
至於志不獲遂猶以言語文字扶植綱常精衛填海  
憑霄銜士重可悲也

公之文兮爛其河漢公之行兮豐厥根幹歷艱危兮  
忠孝不遷人孰知兮知之者天

有雜著二卷曰續古詩一卷曰厚倫皆精實可傳並

山文  
集

陳錄事

陳高字子上世為永嘉平陽著姓所見揭伯防撰墓誌

幼讀書日記千言所請問即出人意表擢至正十四年進士第授慶元路錄事明敏剛決吏不敢易民不敢欺聲名方赫赫一旦忽移去及方氏至欲招致之而無從得矣

平陽陷棄妻子往來閩浙間蓋欲人不知其所在二十六年冬東西浙陷明年春先生浮海過山東謁河南王太傅中書右丞相于懷慶論江南之虛實陳天

下之安危當何以弭已至之禍何以消未來之憂適  
關陝多故未之用士大夫聞其至皆願與友丞相亦  
喜即欲官之知其非志亦不强數月疾卒于邸葬于  
懷慶城南四方之士凡自南而來者皆會哭

先生為文上本遷固下獵諸子為詩上溯漢魏而齊  
梁以下弗論也先生為行潔已而不同於俗抗節而  
不屈於物意所與惓惓焉不能舍赴其急水火不避  
所不與欲其一語一字不可得所至合則留不可則  
去自號不繫舟漁者

並墓誌見陳  
子上存豪

六藝百氏之言子上無不學而以求道為急凡詩文

華

特

未嘗苟作要其歸不當於理者蓋鮮矣自為舉子時  
其所作已為流輩推重金葉胡汲仲先生以古學名  
嘗傲視一世於文章靳許可獨敬愛子上而稱之  
曰能其擢進士也朝之名公鉅人若翰林歐公太常  
張公禮部貢公御史吳公助教程公僉謂子上之文  
宜用之朝廷施之典冊相與論薦之

見蘇平仲文集

子上抗待操於亂世臨患難死生禍福而不易其志  
不污其身可謂賢矣而其言也揆諸往哲而有合傳  
之來世而無愧

於戲重其身愛其妻子不能忘其墳墓去其鄉里人

之情也而至違鄉里捐墳墓棄妻子而置身於難險之地則以所重者甚於身所愛者甚於妻子所不可忘者甚於墳墓所不可去者甚於鄉里也身非不重也而有重於身者焉妻子非不愛也而有愛於妻子者焉墳墓非能忘也而有不可忘於墳墓者焉鄉里非能去也而有不可去於鄉里者焉夫安得不舍彼而取此哉然非識輕重之人亦惡乎能之吾讀陳子上貽謝復元書未嘗不歎其於輕重也明於取舍也審而又悲其適丁斯時也使子上不下乎時斯則固重其所重愛其所愛不忘其所不能忘不去其所不

問  
徵

後

育

流涕於邑既而帝見亂甚始思公顧其兄大都留守  
愛穆奇問公安在對曰病卧故里即日以徵事郎同  
僉太常禮儀院事召不拜又召拜集賢直學士亞中  
大夫兼太子贊善最後召以翰林侍講學士資德大  
夫知制誥同脩國史同知經筵事從兩召皆有御衣  
上尊之賜而公終已不起其言曰吾嘗見病者不早  
使醫師治之及在膏肓始召醫從事雖扁鵲亦走而  
已今國事如此豈臣子之所忍見然賢如先丞相處  
輔弼之地猶不能存宋於垂亡況吾之材職以論思  
獨能存元於垂亡乎 王師克溫公自沉于淵軍士

此半見於石

元達字元達

元達

陳侍講

陳達字元達永嘉人

見蘇平仲文集

二十學書於平章康里公子山待制柱公本學詩於張真居天雨馬教授伯誠三十書名與康里公上下欽安殿成在廷善筆札者咸書榜上進獨用公所進者

幼 辭 進士  
立朝慕汲黯之為人事無大小言必剴切皇太子禮貌之不徒以其善書也刻魯禿帖木兒寔丁酉冬賴太子苦諫得不殺遂拜所居官明年遵海南歸永嘉即墓下以居從遊十陳高授尚書周易語及時事輒

表

可去若尋常矣於戲子上何其不幸也耶子上余友也同薦于鄉同試于禮部後一再見于四明而遂永訣矣曩在京師從揭兵部伯防得其所著子上埋銘讀之而高兵行而偉其志今讀此二書愈益信其行之高其志之偉雖去之二十年餘而生氣猶凜凜焉於戲子上其賢乎哉子上雖客死山東然後葬以禮墳墓妻子皆無恙而鄉里與有榮耀然則子上豈不幸也耶甚矣輕重之當明而取舍之當審也

詩文總若干首釐為若干卷題曰陳子上存亭

並蘇仲文

考

因

分

出之引佩力自我軍士奪之乃斷髮示無用猶安置  
濠州後遇赦任便居住乃還蘭溪病風痺聞有薦之  
旨遂却藥不御而卒

公伯祖宋相宜中景定初以劾丁大全而編管建昌  
軍公以劾禿魯帖木兒而幾見殺丞相之言不用後  
二十餘年而宋社以屋公之言不用後十餘年而元  
社以屋書曰與亂同事罔不亡信矣夫丞相也公也  
生與阮會何其絕相似也豈非不幸歟然身蹟而名  
隨之初非不幸也而况元亡公分致死以殉國雖制  
之肘而其心則與乃祖行軍司馬死汾水關同諒也

一門之內百歲之間風烈相終始所謂世篤忠身者

哉並蘇平  
仲文集

卓侍郎

卓敬字惟恭瑞安人

見温州府志

少穎悟絕人讀書十行俱下一見棄去終身不再讀

詩詞宏遠有一倡三歎之音為文精奇警拔磊磊落

落類其為人七歲時從群兒嬉有見者指曰斯兒骨

法殊異後日必為名公卿惜血不葉色耳

見劉球撰傳  
及温州府志

性至孝請書寶香山時年十五晨昏之禮雖遠不廢  
會夜歸值大風雨冥昏不知所之得一牛兒憑之而

飾

去及歸啟門乃一黑虎也時以為孝感所致  
登洪武戊辰進士除給事中時國初制度初立典則  
未備諸王服飾僭踰破乘間白上曰京師天下視  
效禮法綱紀攸先聞諸王在禁中服飾尚有擬太子  
者然則何以令天下耶上笑曰卿言是吾未慮及  
此也由是益器重焉而或乃以太剛則折為戒敬謝  
曰敬一介書生荷上恩厚驟登清要官以諫為名  
吾知盡諫諍之道上不負吾君下不負所學而已且  
吾聞居其位則思直其道道苟直雖死不可回也為  
之益力

陞戶部侍郎嘗密奏其畧曰北平天下都會地方廣  
邈士馬精強宜及其未備不然大舉而南建瓴東下  
勢既无解雖有一二特立之士亦無所為矣夫將萌  
而未動者幾也量時而可為者勢也量時而為非至  
剛者莫能斷未見而動非至靜者莫能察且帝王之  
孝以保安社稷為先小節非所論也事竟寢

太宗皇帝南下時敬既被執首貴以不迎乘輿之罪  
敬厲聲抗拒詞甚不謹 帝怒欲殺之而憐其才美  
命繫獄欲屈其志而復官之時使中臣諷之曰  
今上皇帝叔也事屬一家忠無二致昔管仲不死小

白魏徵再事太宗故事可師胡為徒自苦耶敬泣曰  
人臣事君有死無二足下以管仲魏徵為言此非所  
以望敬也 帝知敬義不屈然憐其至誠猶欲生之  
而姚廣孝不可以為敬雖一介書生實英雄才略也  
今即欲巡狩則彼據東南之饒限長江之險鼓舞豪  
傑陛下未可安枕也豈非養虎自遺患耶昔吳王不  
殺范蠡而蠡卒滅吳王衍不殺石勒而勒終害衍人  
事有幾不可失也 帝意遂決已而命斬之復夷三  
族臨刑殊從容但歎曰國家養兵三十年一旦變生  
畧無措置敬死有餘罪但恨不得為兵官得少行其

志耳神色凜然經日猶如生

帝甚愛敬雖為姚廣孝所譖其心實不忍殺之嘗曰  
國家養士三十年不負其君惟卓敬耳

博學多能美丰儀善談論雖天文律歷地理兵刑靡  
不各造其奧尤邃性理遺書十卷發明周子通書邵  
子經世之學詩文五十卷沒入之日一室蕭然惟書  
畫數軸焉

公門人黃潮光之子養正持其遺書及詩文拜出公  
像以相示球拜起欵欵證以見知聞知之實者如此  
且以忠貞私諡之以伸仰慕之意

當時死者亦非一士論者每每以公為首稱焉其見  
之死而守之正豈非有以參天地闡盛衰獨全其浩  
然故耶真可與夷齊等倫而漢唐宋諸先正未知其  
孰先而孰後也

並見傳  
府志

東嘉錄卷之十八

孝子

陳孝門

陳侃永嘉人統志

至道中以孝行聞五世同居無間言太宗嘉之詔旌

表其門一統志

温州陳侃五世同居賜詔旌表門閭侃事母至孝賜

其母粟帛見宋史

今建牙鄉猶稱其家曰陳孝門見郡志

仰孝廡

仰忻字天貺永嘉人

見宋史孝友傳

力學以篤行稱年五十餘執母喪盡孝禮躬自負土廬于墓側有慈烏白竹之瑞郡守楊蟠表其里孝廉坊大觀八年以八行取士郡以忻應詔未幾卒贈將仕部傳

友

忻著同姓圖曰姬周鄭江與仰同姓百世不通婚姻蓋後世論氏而不及姓故忻始倡焉有訓童規鑑十二卷有永嘉百題詩集規

郡志

陳孝子

陳宗永嘉人

見宋史孝友傳

正興

年十六母蔡病篤刲股為藥病無已而復病不救宗一慟而絕郡守陸德與云陳宗自毀其體哀慟傷生非孝道之玉而能為人所難為之事亦天性之至官為合葬榜曰陳孝子之墓

傳友

### 周孝子

周樂瑞安人

孝見元史友傳

宋狀元坦之後父晟通經能文方氏竊掇温州拘晟置海舟上樂隨往事其父甚謹一日賊酋遣人沉晟于水樂泣請曰我有祖母幸留父侍養請以已代父死不聽樂抱父不忍捨遂同死

傳孝友

周樂同死詩曰海寇憑陵父被拘問閔随往侍朝晡  
一朝強寇將沉父便欲捐生代父軀致養重闈只父  
身哀祈留父奉慈親誰知亮冠心猶忍父子俱沉更  
愴神親孝順  
事實

張孝子

張端涿州人父君錫至正末任平陽州判官因家焉  
特周嗣德守平陽因辟君錫為樞密都事方明善攻  
破平陽君錫俘入溫城端随往日夜涕泣不食父謂  
曰我分在必死爾歸視爾家勿以我為念端曰父辱  
子死理之常也大人萬一不諱端安可獨生乎既而

明善沉君錫于江端亦自投江抱父俱沉而死見府志  
哀哉張孝子乃是公侯孫素質粹而美至性絕且溫  
十歲知讀書十五能文翰二十從父遊蒞官東海壩  
維時正艱危兵戈起郊原周侯開幕府而父為幕官  
殃咎忽變異主將罹禍患群亮橫戈入士卒俱凋殘  
父亦被俘虜械送囹圄間彷徨從父往豈願微軀完  
囊乏千金資曷以釋父愆讒言日交構彼亮生怒嗔  
肉祖往告訴代父革喪元哀辭苦不聽父竟死深淵  
號咷走抱父浮沉向波瀾父身不可救子命亦自捐  
嗚呼忠孝心化為厲鬼冤蒼天杳茫茫孰為陳此冤

見繫壤  
集

張孝子

張正字思中漢之平陽人

見蘇平仲文集

九歲父仲達喪鞠於母林十三歲母瘡發于額左角  
瘍豎視之曰此瘡惡不可言腫若至鼻雖秦越人不  
知為計矣正憂惟倉黃走城隍祠匍匐泣禱引刀刮  
股肉持還家鬻粥以食母瘡立愈初瘍醫見其母之  
瘡之愈而不知其愈也正食以股曰駭曰吾見患此  
瘡者十人十不救張母獨無恙何哉已而其事頗聞  
人比之孝已正事母極孺慕之情事無鉅細不咨決

不行年三十娶婦陳帷帳衾褥施于床者襍以錦綉  
 正曰吾在襁褓時母推燥而就濕今吾母寢處何如  
 而吾乃寢處此於吾安乎即以議其母陳事姑稍懈  
 正輒曰娶所以為養也若不盡力奉吾母何以爾為  
 陳嘗有問言正曰我豈孝衰於妻子耶不然此言何  
 自至白其母切責其妻其妻亦感悟更為恭順之行  
 洪武丁巳秋母滯下伏枕血糞淋漓正時以手掬去  
 之了無難色後六年春母疾病衆醫人人以為切其  
 脉察其證不可為正曰吾聞父母有疾雖不可為無  
 坐視而不營拯之理禱于東嶽行祠復剗股和藥藥

未進而母病革矣母沒朝夕悲號感動聞者及既葬  
日至暮所未嘗不流涕於戲正可謂孝義也已

平仲  
文集

### 陳孝子

陳序平陽人

見溫州府志

景泰間父病篤序三刲股以療之

溫州府志

伐樹無伐柘愛此手澤存爪樹傷柘無鋤樹傷柘根

根膚尚可惜成飢亦何人吾飢本親遺善以奉吾親

茫茫堪輿內此意識苦辛飢成幸不死遺胤傳兒孫

孫乎慎勿忘錫類良有因

見平陽府志  
陳序詩

東嘉錄卷之十九

氣節

陳連江

陳彥才字用中平陽人

見郡志

宣和三年何渙榜進士通判黃州子霽中散大夫孫

陞知泉州彥才居官廉靖秦檜以不附已終不仕用

有詩述懷朱文公為跋

見平陽州志

紹興初有退相寓永嘉獨陳用中彥才雖鄰不謁及  
再相有薦之者止就部注邑連江戲作小詩云命賤  
安能比鉅公偶然年月與時同只因日上爭些子笑

向連江作釣翁蓋其所生年月時適與時宰同但日

差異耳

覬竹坡詩話

跋陳大夫詩曰常人之情少有一善則自視哆然若有餘而其責報也歛然常若有所不足所以善日消而惡日長卒以陷溺於利欲之橫流而不自知也大夫陳公廉靖自守不肯屈意權門寧俯首於下寮終身而不悔比其晚歲僅以年勞得官其世而所以省身知足之意見於短章者乃如此其志念之所有與庸人也遠矣嗚呼子孫之賢其亦深念而敬守之也哉慶元己未十一月既望新安朱熹識

文見晦菴集

何提刑

公婆詔

公諱逢原字希深世為溫人

文見梅溪集

妥穎異眉宇秀整頤而長身兒時強記覽落筆諸驚人嘗賦松柏後彫志趣不凡識者期以遠到

刪

召對敷奏進止剴切詳雅除勅令所剛定官遷秘書省正字時秘閣初建登瀛皆極選公翱翔其間讀異書見聞益博

客

初秦氏盜權以國事讎殺大將竄忠良鉗天下口神怒人怨公為書生時嘗容其館授其子以經於是間見以物議洵洵告秦氏曰吾所與語者天也豈復與

人校是非公曰天之心即人之心也豈有異哉秦氏  
大街之臺諫承風据以他故至是再黜士論屈之公  
無幾微愠色

公既忤權臣迹踈遠十年楚蜀晚方還朝以疾補外  
遂致不起才不克究中外惜之

永嘉自元祐以來士風浸盛淵源自得之學冒臆不  
蹈襲之文儒先數公著述具存不恠不迂詞醇味長  
鄉令及門孔氏未必後游夏徒也涵養停蓄波瀾日  
肆至建炎紹興間異才輩出往往甲於東南若公又  
其卓然者

道

長於理學尤精論語覃思二十年每見學者必與講  
論有集解十卷簡嚴明白超詣處諸儒所不到

善屬文清峻道麗雖倉猝應用必自己出不剽竊前  
人語尤長於詩有晉宋味有文集二十卷外制二卷

並梅溪  
文集

### 顧錢塘

顧岡字德鳳平陽人

見郡志

登紹興第授錢塘簿時趙鼎去相位秦檜擅權力主  
和議不附己者必加擯斥岡深懷憤歎適鄉人蕭振  
權工部侍郎岡因致書於振極言秦趙二黨事以泄

其不平自是遂不復仕郡志

秦檜當國勢焰可畏一時端人正士斥逐殆盡士大夫雖素有樹立若蕭振者亦附麗焉錢塘主簿顧君獨貽振書讓以不當附檜反覆千數百字使檜聞之禍且不測而君乃毅然弗顧豈非所謂見義而勇者歟主簿之職微耳當是時據高位食厚祿者固不乏人而君獨為朝廷深遠慮其忠君愛國之意何如也蕭為侍從同里人士孰不樂稱頌其美以相扳援而君則愛人以德盡忠告之道不為世俗兒女態抑可謂直諒君子哉勇於義忠於國直於朋友此皆人之

基

所難者非賢其能若是乎書中所謂堂堂社稷反為  
諸公快意之地深可痛愍三復其言真足以流涕而  
慟哭歷觀自古暨今姦邪誤國未有不由乎此者蓋  
姦臣執柄於不同乎己者不問其人之賢否必擠而  
去之然後有以快其意賢者既去而國以危亡隨其  
後如王荆公安石亦本號為賢士及為相欲新法之  
行當時諸君子議不合已悉加貶竄而引用同己之  
小人卒以快意墓靖康之禍嗚呼主簿君之言不亦  
信而有徵乎

見陳子  
上存彙

永嘉顧仲明其先世主簿君與蕭侍郎論朋黨書言

論慷慨而激烈時蔡檜柄國方以威權鈐制天下士大夫罹其禍者甚衆而君言若此此予之所素歎以為人心世道之微者規青陽文集

徐省元

徐履字少初温州瑞安人

見晦菴同年錄

個儻有大忠紹興中省試第一秦檜欲以女妻之及廷對乃佯狂不荅一字遂置申甲末後官至朝請郎不染於秦氏時人高之見一統志

徐少卿

徐瑄字純中徐定子

見郡志

贈

還

由評事積遷朝奉大夫大理少卿會濟邸獄興史彌  
遠囑其附會賊殺無辜且啖以美官瑄守正不從遂  
削官謫道州徙象州卒端平改元侍御史王遂請加  
褒賄詔復元官贈集英殿修撰

郡志

永嘉徐瑄治周成子獄無所枉自知必得罪東擔侯  
命忽夢神人驅之使去荅曰吾分宜去不待驅遂但  
未知當往何所曰汝得嚴州覺與家人言夢真妄耳  
吾得罪必南遷安得在近畿乎已而謫道州又徙象  
州行至來賓縣得圖經視之唐嚴州也歎曰吾其不  
反乎果終焉

見齊東野語

濟王竑之死大理評事廬陵胡夢昱季晦上書引晉  
 申生為厲漢公太子及秦王廷美之事凡萬餘言訐  
 直撫忌遂竄象州以周成子與謀鞠之棘寺不服理  
 卿徐瑄力辯其非皆坐貶死

林進士

林則祖平陽人

見郡志

寶祐中丁大全以戚里婢媾事權倖盧允升董宋臣  
 因得寵於理宗擢為殿中侍御史在臺橫甚宜中與  
 黃鏞劉黻林則祖陳宗魯唯六人上書攻之大全怒  
 削其籍拘管他州司業率十二齋生冠帶送之橋門

之外大全益怒立碑學中戒諸生亡妄議國政且令  
自後有上書者前廊生看詳以牒報檢院由是士論  
翕然稱之號為六君子

觀宋史陳中傳

慶元間趙忠定去國太學生周端朝張衡徐範蔣傳  
林仲麟楊宏中以上書屏斥遂得六君子之名開慶  
間丁大全用事以法繩多士陳宜中與權劉黻聲伯  
黃鋪器之林則祖與周曾唯師孔陳宗正學亦以上  
書得謫號六君子至景定初時相欲收士譽悉上昏  
官並擢高第而林則祖陳宗光死曾屢遭黜三公者  
相繼召試

見齊東野語

徐狀元

徐嚴夫字公塑平陽人

覲郡志

淳祐初進士第一歷官館閣因忤丁大全終其用事  
杜門不出大全敗嚴夫始出官至禮部侍郎

見一統志

忤丁大全或勉其抑已謝過乃題桃符寓意云一任

證龜成白鰲誰能拜狗作烏龍

見平陽州志

金上舍

金九萬字鵬程平陽人

見陳誠初所撰金伯進行狀

正誼齋曰理宗世變國危尤甚邠臣史嵩之藉其從  
父彌遠之勢謬為元宰封家其貪侍從不敢斥其非

原缺

東嘉錄卷之二十

詞章

倪司勳

倪濤永嘉人志郡

大觀己丑賈安宅榜進士官至左司郎中郡志

倪濤字巨濟能文有採履舉進士擢太常博士見東都事

卅角能屬文博學強記年十五試太學第一遂擢進士調廬陵尉信陽教授入為太學正秘書省校書郎著作佐郎司勳左司員外郎朝廷議有事燕雲大臣

爭先決策為固位計皆心知不可無敢一出口濤獨  
言其非且曰景德以來遼守約不犯邊盟誓固在不  
可渝也天下久平士不習戰軍儲又屈毋輕議以貽  
後患王黼怒曰君敢沮軍事耶於是言者論其鼓唱  
搆造更監朝臣縣酒稅再徙茶陵船塢卒年三十九  
死之明年金人犯關朝廷憶濤言官其一子有靈陽

集傳於世

見宋史  
文苑傳

倪濤玉溪集二十二卷

見宋史  
藝文志

玉溪集二十二卷陳氏曰左司員外郎永嘉倪濤巨  
濟撰其父始徙居廣德濤大觀三年進士燕山之役

誦其非以沮軍罷謫衡州茶陵以死年三十九呂居  
仁誌其墓曾吉父為作集序見文獻通考

### 林太常

林季仲字懿成永嘉人

見郡志

受業于伯父行簡又從許景衡遊聞見益廣登宣和

### 進士第

高宗幸永嘉中丞趙鼎薦為臺官父鼎輔政累遷吏

部郎尋除太常少卿鼎罷相亦出知泉州鼎再相奏

今清議所與如劉大中胡寅呂本中林季仲之徒陛下能用之乎陛下於此或難則臣無所措手足乃除

檢正時秦檜主和議季仲上疏引夫差勾踐事爭之  
大忤檜意罷去並郡志

竹軒雜著十五卷陳氏曰太常少卿永嘉林季仲懿  
成撰以趙元鎮薦入朝奏疏沮和議得罪仲熊叔豹  
季理其弟也皆知名通文獻考

林懿或季仲嘗為太常少卿永嘉人與會稽虞仲琳  
少崔相好虞頗通性理之學林以詩送其行曰男兒  
何苦弊群書學到根原物物無曾子當年多一唯顏  
淵終日只如愚水流萬折心無競月落千山影自孤  
執手沙頭休話別與君元不隔江湖又嘗為婺守題

赤松山黃初平祠云路轉溪回草木香有人荷笠山之陽定知我是金華守  
笑道牧民如牧羊又云羽仗霓旌去不還空餘菊水落人間至今山下無枯旱便是田家九轉丹詩語佳而意新也

覲西郊話

### 潘轉菴

潘裡字德久永嘉人

見郡志

諸父文饒字民則學本瀛洛為多士所宗父文虎右科第一裡以父任補右職繼叅戎幙召試為閣門舍人久之授福建兵馬鈐轄卒喜為詩下筆立成聲名籍甚人莫能儔永嘉言唐詩自裡始郡志

轉菴潘樞字德久永嘉人葉水心快稱其詩號謂永  
嘉四靈之後凡言詩者皆本德久父任右職閭門福

建兵鈴卒

見羣奎律

潘樞題釣臺云蟬冠未必似羊裘出處當時已熟籌  
但得諸公依日月不妨老子臥林丘佳作也

見詩林廣記

轉菴集一卷陳氏曰閨門舍人永嘉潘樞德久撰規  
獻通考

趙靈秀四靈

趙師秀字紫芝永嘉人

見郡志

登紹熙第沉浮州縣改秩而卒自乾淳以來瀟洛之

學方行諸老類以窮經相尚時或言志取足而止固  
不暇如昔人體驗聲病俾律呂相宣也至潘樞出始  
倡為唐詩而師秀與徐照翁卷徐璣繹尋遺緒日煅  
月煉一字不苟下由是唐體盛行

郡志

徐照字道暉有詩數百斷思尤奇橫絕欸起冰懸雪  
跨使讀者變蹕慘慄肯首吟嘆不自己然無異語皆  
人所知也人不能道耳蓋魏晉名家多發興高遠之  
言少驗物切近之實及沈約謝朓永明體出土爭効  
之初猶甚難或僅得一偶句便已名世矣夫東字十  
餘五色彰施而律呂相命豈易工哉故善為是者取

賓主凡

以

客伙

成於心寄妍於物融會一法涵受萬象諦苓桔梗時  
而為帝無不按節赴之君尊臣卑實順玉穆如九投  
區矢破的此唐人之精也然厭之者謂其纖碎而害  
道淫肆而亂雅至於廷設九奏廣袖大幅而反已浮  
響疑宮商布縷繆組繡則失其所以為詩矣然則發  
今人未悟之機回百年已廢之學使後復言唐詩者  
自君始不亦詞人墨客之一快也惜其不尚以年不  
及臻乎開元元和之盛

見水心文集

同為唐詩者徐璣字文淵翁卷字靈舒趙師秀字紫

芝

水心文集

徐璣泉山詩藁一卷

見宋史藝文志

徐照集三卷陳氏曰永嘉徐照道暉撰自號天民

文規獻通考

徐璣集二卷陳氏曰徐璣致中撰

翁卷集一卷陳氏曰翁卷靈舒撰

趙師秀集二卷別本天樂堂集一卷陳氏曰趙師秀

紫芝撰四人者號永嘉四靈皆晚唐體者也惟師秀

嘗登科改官亦不顯

並文獻通考

翁卷字續古一字靈舒詩曰西巖集徐璣字文淵一

字致中號靈淵詩曰泉山集徐照字道暉號靈暉詩

曰山民集趙師秀字紫芝號靈秀詩曰天樂堂集見

奎律

永嘉四靈詩學晚唐宗賈島姚合驟名於時天下皆知四靈之為晚唐而鉅公亦或學之

徐道暉詩真不減晚唐

四靈中翁獨後死然未能攷其沒在何年此詩圈點處十分佳也

翁遊鴈蕩詩不減唐人

四靈詩趙紫芝為冠徐致中當居下位律詩

汪桐陽

汪鼎新字進卿平陽人覲郡

少孤自樹立明尚書周易尤長於詩文有桐陽小橐  
二卷歲辛卯李思衍行部浙東舉為郡學錄陞平陽  
州學教授

覲平陽  
州志

鼎新學行文章為溫儒宗門人因其自號稱之曰桐

陽公

見蘇平  
仲文集

鄭處士

鄭昂字處抑平陽人覲郡

志趣高尚不肯諧俗與人落落不合隱居讀書素貧  
安分視勢利澤如也雅好為詩工唐律清新俊逸一

金  
郊就

字不苟至正癸巳冬叛卒陳安國據城以禮訪之昂弗就挈妻子遊西葉山葉中事息始歸屬金憲伯顏不花行郡義其事屢薦不受見陳子  
上存案

### 李秘書

李孝光字季和温州樂清人

見元史  
儒學傳

少博學篤志復古隱居鴈蕩山五峯下四方之士遠來授學名譽日聞太不花以師事之南行臺監察御史闔辭屢薦居館閣至正七年詔徵隱士以秘書監

著作郎召與完者圖執禮哈琅董立同應詔赴京師見帝于宣文閣進孝經圖說帝大說賜上尊明年陞

受

予

文林郎秘書監丞卒于官

孝光以文章負名當世其文一取法古人而不超世

尚非先秦兩漢語弗以措辭有文集二十卷

並儒學傳

孔孟而下人樂傳其文者屈原荀況董仲舒司馬遷

及其次王通韓愈歐陽脩周惇頤蘇洵父子逮乎我

朝姚公燧虞公集吳公澄李公孝光若此十數君子

其言皆高而當其義皆奧而通也

見楊鐵崖文集

曩予在京師時與同年黃子肅愈原明張志道論閩

浙新詩肅數閩詩人凡若干輩而深詆兩浙無詩予

憤曰言何誕也詩出情性豈閩有情性浙皆木石肺

肝乎予後歸浙得能詩者七家其一永嘉李孝光李和其一天台項炯可立其一東陽陳樵君采其二老釋曰句曲張伯雨雲門思斷江也昔黃劉二子能重河朔矧七家者不足以重兩浙乎

我元之詩求之於東嘉永嘉李孝光錢塘張天雨天台丁復項炯毗陵吳恭倪瓚蓋亦有本者也近復得永嘉張天英鄭東姑蘇陳謙郭翼而吳興得剡韶也季和放乎六朝而歸準老杜並鐵崖文集李五峰如秦瀛間人語言斬絕而頓挫見水東記

高郵事

高明字則誠瑞安人

府志溫州

自少以博學稱屬文操筆立就一時名公卿皆慕與  
交登至正乙酉第授處州錄事有能聲辟江浙省掾  
史覆寶平江圩田蠲租米無徵者四十萬石改浙東  
閩幕都事治四明寃獄操縱允當囹圄一空郡稱神  
明以數忤權勢謝病去

方氏強留置幙下力辭又以禮延教子弟亦不就因

臥病卒

並府志

岳武穆王墓在杭棲霞嶺下子雲附焉自元統一以  
來名人士多有詩吊之不下數十百篇其最膾炙人

口者如葉靖逸先生紹翁去萬古知心只老天英雄  
 堪恨亦堪憐如公少緩須臾死此虜安能八十年漠  
 漠凝塵空偃月堂堂遺像在凌烟早知埋骨西湖路  
 悔不鴟夷理釣船趙魏公孟頫云岳王墳上草離離  
 秋日荒涼石獸危南渡君臣輕社稷中原父老望旌  
 旗英雄已死何嗟及天下中分遂不支莫向西湖歌  
 此曲水光山色不勝悲高則誠先生明云莫向中原  
 嘆黍離英雄生死存安危內廷不下班師詔絕漢金  
 收大將旗父子一門耳伏節山河萬里竟分支孤臣  
 尚有埋身地二帝游魂更可悲

永嘉高則誠烏寶傳雖曰以文為戲要亦有關於世  
教傳曰烏寶者其先出於會稽稽氏世尚儒務詞藻  
然皆不甚顯至寶厭祖父業變姓名從墨氏游盡得  
其通神之術由是知名初寶之先有錢氏者亦以通  
神之術顯迨寶出而錢氏遂廢然其術亦頗相類故  
不知者猶以為錢云寶輕薄柔默外若方正內實垢  
污善隨時舒卷常謂得聖人一貫之道故無入而不  
自得流俗多惑之凡有謀於寶大小輕重多寡精粗  
無不曲隨人所求自公卿以下莫不敬愛其子姓蕃  
衍散處國郡者皆官給廬舍而加守護焉其有老死

扁適

富室

華氏

宴請氏

焉

者則官為聚其屍而焚之蓋知墨之末俗也實之所  
在人爭迎取邀致苟得至其家則老稚婢隸無不忻  
悅且重扁遂字敬事保愛惟恐其他適也然素趨勢  
利其富室勢人每筮輒往雖終身服役弗厭其屢人  
貧祇有傾心願見終不肯一往尤不喜儒雖有暫相  
與徒來者亦終不能久留也蓋儒墨之素不相合若  
此實好逸惡勞愛儉素疾華侈常容於弘農田氏田  
氏朴且嗇實竭誠與交田氏沒其子好奢靡日以聲  
色寔遊為事實甚厭之除有商民者亦若田氏父之  
為也遂挈其族往依為蓋墨之道貴清淨故也然其

執

詐實

子

寶

杖鳴迄

為人也多詐反覆不常凡達官執人無不願交而率皆不利敗事故其廉介自持者率不與寶交自寶之術行挾誰者往往偽為寶術以售于時後皆敗死故寶之術益尊是時崑崙抱璞公南海玄珠子永昌從革生皆能濟人與世俯仰曲隨人意而三人者亦願為寔交苟得寶一往則三人亦無不可致故時譽咸歸於寶焉寶族雖夥然其狀貌技術亦頗相似知與不知咸謂之烏寶云論曰烏氏見於春秋世本姓苑若存餘技烏獲皆為顯仕至唐承恩重胤始盛追寶而益著寶裔本褚氏而自謂烏氏則變詐亦可知矣

寶之學雖出於墨而其害道傷化尤甚雖孟軻氏復  
生不能闕也然使寶生於唐虞三代時其術未必若  
是顯然則寶之得行其志者亦其時有以使之嗚呼  
豈獨寶之罪哉

耕錄

林長史

林伯恭名溫永嘉人

見宋太史文集

伯恭博極群經而尤長於春秋嘗應書鄉闈寶魁多  
士伯恭年始二十餘一旦名動海內自時厥後學益  
加脩遂擢至正甲午進士第

歷佐省憲二府正色直言百士畏憚時出奇計剪三

送如京狐兔

其發於詩也沈鬱頓挫渾厚超越大雅奏而黃鍾獨  
鳴也武軍開而五兵森列也洪濤怒張而魚龍出沒  
也一展卷間呈珍獻異可欣可愕精神為之震眩漁  
前所謂聲因於氣皆如其人而著形者豈非然耶豈  
非然耶世之學詩者衆矣不知氣充言雄之旨往往  
局於草木蟲魚之微末工於一聯隻字間真若蒼蠅  
之聲出於蚯蚓之窠而已詩云乎哉伯恭之詩出一  
洗習俗之陋信知豪傑之上自有其人也  
必有穎悟絕特之資而濟以該博宏偉之學察乎古

古

今天人之變而通其洪纖動植之情然後延以憑籍  
是氣之靈役局於一藝滯于一材雖欲捷騁橫鶩以  
追乎右人前之而愈却培之而愈低幾何不墮於鄙  
陋之歸此瀟於伯恭之時不能無感焉並宋太史文集  
洪武初授秦王府長史興閩浙二省鄉試有粟齋文  
集見郡志

蘇編脩

蘇伯衡字平仲金華人洪武間為處州府學教授遂

居平陽

見金華文集

少警敏絕倫誦說不勞而習中歲大肆力於文辭精

博而不麓澀敷腴而不苛縟不求其似古人而未始

不似也

見宋太史文集

由國子學錄為學正上親擢國史院編脩官以曠

辭歸廡以翰林承旨致政將還天子命舉可以自

代者即以平仲應詔既至復固辭上亦憫其誠

特賜文綺楮幣遣之

宋太史集

平仲於文定公為九世孫起前鄉貢進士上親擢翰林國史院編脩官一時號稱得人見於著作者語粹而辭達識不凡而意不詭亦由其明於理而昌於氣也余與之同朝每得而讀之未嘗不為之擊節焉

聖天子龍興江左文學之士彬彬然為朝廷出者  
登第之君子君多其冊之施文檄之行故實之講燦  
然足以集國所藉如圭如璋今聞令望而顯顯昂昂  
者則未能或遇於平仲有由然哉他日徵我朝文  
章言語之工有以鳴國家之盛而連配漢唐諸作者  
其必於平仲有取也夫

見文集

人之賢不肖固有一定論文章之高下亦然近而作者  
漸已稀濶在東南惟從事與徐教授耳徐公之文簡  
質典重有渾然之氣然推贍暢急言極論而不竭者  
實惟執事士氣日卑學術日趨於污下某廢病無聊

是條荷斯事矣惟執事善自謀以大宣正學上報

國家下慰相知者之望見遜志齋集

平仲今之子長也見東里文集

季耻菴

子應祁瑞安人見府志

應祁字君壽號耻菴從進士高公則誠遊博覽群經

尤長於春秋累薦不起觀黃文簡選德幾墓誌

至正間方氏據有溫郡乃避地邑兩秀原溪口愛其

秀勝構樓居之日以事親讀書為事既而構得故家

邵氏遺書簡精要數千卷歸閉門讀之數年精思實

踐多所造詣

見寶書屋記

少穎悟得關閩諸儒全書讀之於天道性命之微古今事物之理與夫百家子史靡不極其津涯嘗曰窮經以致其用反躬以踐其實不如是讀書奚益洪武十九年以明經召力辭以歸年八十三卒

耻菴集 李應祁撰並府志